



Caderno da crítica

Cuestionario Proust: Ramón Caride Ogando

[Ramón Nicolás 4 de Febreiro de 2014](#)

<https://cadernodacritica.wordpress.com/2014/02/04/cuestionario-proust-ramon-caride-ogando/>

1.– Principal trazo do seu carácter?

– En canto ao meu traballo de escritor, a insistencia. Case nunca abandono unha idea interesante, aínda que ás veces tarde anos en levala ao papel.

2.– Que calidade aprecia máis nas persoas?

– Hai xente que fala moito e non di nada. Saber escoitar é moi importante.

3.– Que agarda das súas amizades?

– Que sigan sendo os meus amigos, pero non é de balde. A amizade hai que coidala.

4.– A súa principal eiva?

– Non son quen de falar dos meus defectos en público.

5.– A súa ocupación favorita?

– Depende da estación do ano, ou da hora. Estes días, a de escribir.

6.– O seu ideal de felicidade?

-Saúde, traballo e sorte, nesa orde, para a miña familia.

7.– Cal sería a súa maior desgraza?

– Supoño que a máis inesperada.

8.– Que lle gustaría ser?

– Cando era pequeno, astronauta. Pero levo moitos anos sen pensalo. Son o que son.

9.– En que país desexaría vivir?

– Todos teñen o seu... bo e malo. Mellor viaxar o máis que se poida.

10.– A súa cor favorita?

-Depende de para que.

11. – A flor que máis lle gusta?

-Calquera que teña aroma, e non sexa artificial.

12.– O paxaro que prefire?

-Calquera que me cante de boa mañá.

13.– A súa devoción na prosa?

-Teño libros, non devocións. As devocións, non son os santos favoritos?

14.– E na poesía?

– Véxase a anterior.

15.- Un libro?

-O que estou escribindo. Non poño o título porque dá mala sorte.

16.– Un heroe de ficción?

– Douche tres de cómic, para levar a contra: Hellboy, Daredevil, Batman.

17.– Unha heroína?

– A raíña de Saba.

18.– A súa música favorita?

– O rock dos anos setenta.

19.– Na pintura?

– Toda, do realismo para diante. Ou para tras. O realismo non.

20.– Un heroe ou heroína na vida real?

– Calquera nai de familia, coa que está caíndo.

21.– O seu nome favorito?

– Sara e Uxía, son as miñas fillas

22.– Que hábito alleo non soporta?

– A fachenda desmesurada, os que van para estatua e/ou académico/a.

23.– O que máis odia?

– Véxase a anterior, sempre no terreo artístico.

24.– A figura histórica que máis despreza?

– Nunca me parei a pensalo. Pero agora que o dis hai moitas. Non caberían.

25.– Un feito militar que admire?

– Ningún, estou vacinado (fixen a mili).

26.– Que don natural lle gustaría ter?

– O da música, entre outros.

27. – De que maneira lle gustaría morrer?

– De ningunha. Pero se me apuras, sen dor, e rápido. Como a case todos.

28.– Cal é o seu estado de ánimo máis habitual?

– A que hora?

29.– Que defectos lle inspiran máis indulxencia?

– Non son moralista, en xeral. Cando algo me cabrea, cabréame.

30.– Un lema na súa vida?

– Nunca te fies dos cuestionarios. Nin dos consellos, tampouco deste.